

Pravila za unutardnevnu dodjelu
prekograničnih prijenosnih kapaciteta
između regulacionih područja

**Hrvatski operator prijenosnog sustava d.o.o. (“HOPS”)
i
Nezavisni operator sistema u Bosni i Hercegovini
 (“NOSBiH”)**

Oktobar 2021.

SADRŽAJ

Dio 0 Pojmovnik

Dio 1 Uvod

- 1.1. Opća načela
- 1.2. Postupak dodjele
- 1.3. Opća načela Pravila za unutardnevnu dodjelu prekograničnih prijenosnih kapaciteta

Dio 2 Opće odredbe

- 2.1. Raspoloživ unutardnevni kapacitet
- 2.2. Objava relevantnih informacija na internetskoj stranici dodjeljivača kapaciteta
- 2.3. Osnova dodjele unutardnevnog raspoloživog prijenosnog kapaciteta
- 2.4. Postojanost dodijeljenog unutardnevnog kapaciteta
- 2.5. Sekundarno tržište
- 2.6. Plaćanja

Dio 3 Uslovi učestvovanja

- 3.1. Uslovi za registraciju
- 3.2. Obavještanje o promjenama

Dio 4 Isključivanje korisnika

Dio 5 Alokaciona platforma

- 5.1. Opći uslovi
- 5.2. Pristup alokacionoj platformi

Dio 6 Postupak dodjele unutardnevnih kapaciteta

- 6.1. Određivanje i objava raspoloživog unutardnevnog prijenosnog kapaciteta
- 6.2. Dodjela raspoloživog unutardnevnog prijenosnog kapaciteta
- 6.3. Obavještanje o rezultatima dodjele

Dio 7 Korištenje dodijeljenih unutardnevnih kapaciteta

- 7.1. Nominacija dodijeljenih unutardnevnih kapaciteta
- 7.2. Pravila za unutardnevna usklađivanja

Dio 8 Otkazivanje unutardnevne dodjele

Dio 9 Ograničenje dodijeljenih kapaciteta

Dio 10 Razno

- 10.1. Ograničenje odgovornosti
- 10.2. Viša sila
- 10.3. Cjelovitost ugovora
- 10.4. Povjerljivost
- 10.5. Izmjene i dopune
- 10.6. Period važenja
- 10.7. Mjerodavno pravo i sporovi
- 10.8. Obavještenja
- 10.9. Popis dodataka

Dio 0 Pojmovnik

Izrazi definirani ovim članom (gdje je to potrebno i u množini) u ovim *Pravilima za unutardnevnu dodjelu prekograničnih prijenosnih kapaciteta* (uključujući sve dodatke i obrasce) imaju sljedeća značenja (izuzev ako iz konteksta ne proizlazi drugačije)

Alokaciona platforma – elektronska internetska aplikacija sa ograničenim pristupom kojom upravlja *dodjeljivač prijenosnog kapaciteta*, a koja je dostupna na <https://scheduling.nosbih.ba/External-Scheduling-Client/>. Unutardnevna dodjela kapaciteta koju pruža *Dodjeljivač prijenosnog kapaciteta* provodi se korištenjem *alokacione platforme*

Dodijeljeni kapacitet – *kapacitet* dodijeljen u postupcima godišnje, mjesečnih i dnevnih dodjela

Dodijeljeni unutardnevni kapacitet – *kapacitet* dobijen kao rezultat postupka dodjele, a koji dodjeljuje *dodjeljivač prijenosnog kapaciteta* u postupku unutardnevne dodjele kako je određeno u dijelu 6 *Pravila za unutardnevnu dodjelu prekograničnih prijenosnih kapaciteta*

Raspoloživi unutardnevni prijenosni kapacitet (u daljnjem tekstu **unutardnevni kapacitet**) – Dio mrežnog prijenosnog kapaciteta (NTC, engl. *Net Transmission Capacity*) koji ostaje na raspolaganju za unutardnevnu dodjelu nakon postupka dnevne dodjele i nakon svake faze postupka unutardnevne dodjele

Kapacitet – Prekogranični prijenosni kapacitet u MW

Identifikaciona oznaka dodijeljenog prijenosnog kapaciteta (u daljnjem tekstu CAI, engl. *Capacity Agreement Identification*): Oznaka koja jedinstveno označava *pravo na kapacitet*

Nosilac prava na kapacitet – Pravna osoba (*korisnik*) koji je stekao unutardnevni *kapacitet* tokom postupka unutardnevne dodjele kapaciteta

Pravo na kapacitet (u daljnjem tekstu CR, engl. *Capacity Right*) – pravo (korisnika) na korištenje dodijeljenog *kapaciteta* za prijenos električne energije izraženo u MW

Prekogranična transakcija – Fizička razmjena električne energije između regulacionih područja kojima upravljaju *HOPS* i *NOSBiH*

Ograničenje dodijeljenog kapaciteta – Smanjenje *kapaciteta* u *hitnim slučajevima*, uključujući, one uzrokovane *višom silom*, na interkonekciji između Hrvatske i Bosne i Hercegovine pri kojem *HOPS* i *NOSBiH* moraju hitno djelovati (ali nije ograničeno samo na njih)

Isključno vrijeme – rok nakon kojeg su neusaglašene transakcije predmet principa spuštanja na nižu vrijednost

Dnevna aukcija – aukcija provedena u skladu s *Pravilima za dražbe za dodjelu kapaciteta u SEE* CAO

EIC-oznaka – (engl. *Energy Identification Code*) jedinstvena oznaka učesnika na europskom tržištu električne energije kojom se identificiraju subjekti u prekograničnoj trgovini (vidi <https://www.entsoe.eu/data/energy-identification-codes-eic/eic-approved-codes/>)

Hitan slučaj – uslovi ili događaji i okolnosti koje prema profesionalnoj procjeni HOPS-a ili NOSBiH-a ugrožavaju sigurnost opskrbe, dobavu ili prijenos električne energije ili tehničku sigurnost određenog nacionalnog prijenosnog sistema ili njegovog značajnog dijela kao u slučaju, *više sile* ili neplaniranih uslova u mreži (ali nije ograničeno samo na njih)

ENTSO-E – (engl. *European Network of Transmission System Operators for Electricity*) – Europska mreža operatora prijenosnih sistema – udruženje operatora prijenosnih sistema

Uredba EU – Uredba (EK-a) br. 2019/943 Europskog parlamenta i Vijeća o unutarnjem tržištu električne energije

Pravilo najranijeg prispjeća ponude (*First come - First serve*) – mehanizam dodjele prema kojem se *zahtjevima korisnika*, u okviru limita za *unutardnevne dodjele prijenosnog kapaciteta*, udovoljava isključivo prema vremenu zaprimanja *zahtjeva* i bez primjene bilo kakvih drugih kriterija

Viša sila – uslovi ili događaji i okolnosti, ili posljedica tih događaja koji su, izvan razumne kontrole *NOSBiH-a* ili *HOPS-a*, a koji se ne mogu spriječiti ili otkloniti razumnim predviđanjem i pažnjom, kao što su: međunarodni neplanirani kružni tokovi, atmosferske pojave koje se smatraju neizbježnima zbog svog uzroka, opsega ili trajanja, neočekivani ili neizbježni gubici ili ograničenja kapaciteta, ukoliko ga *NOSBiH* ili *HOPS* mogu sanirati samo na način da ugroze sigurnost opskrbe i/ili koji se ne mogu riješiti mjerama koje su s tehničkog, finansijskog ili ekonomskog stajališta razumno moguće za *NOSBiH* ili *HOPS* (ali nije ograničeno samo na njih)

HOPS (Hrvatski operator prijenosnog sistema d.o.o) – društvo sa sjedištem u Ulici Kupska 4, 10000 Zagreb, Hrvatska, upisano u sudski registar pri Trgovačkom sudu u Zagrebu, pod br: 080517105

Pravila za unutardnevnu dodjelu prijenosnih kapaciteta – Pravila za dodjelu unutardnevnih prijenosnih kapaciteta na granici regulacionih područja Hrvatski operator prijenosnog sistema d.o.o. (“HOPS”) i Nezavisni operator sistema u Bosni i Hercegovini (“NOSBiH”)

Pravo na unutardnevni kapacitet (u daljnjem tekstu ICR, engl. *Intraday Capacity Right*) – odnosi se na obavezu korisnika da koristi *dodijeljeni unutardnevni kapacitet* za prijenos električne energije izražen u MW u njegovom punom iznosu

Nominacija – *korisnikova prijava operatorima prijenosnih sistema programa* koji se odnose na snagu izraženu u MW koju će koristiti u okviru ograničenja kapaciteta određenog u *pravu na kapacitet* koji mu je dodijeljeno ili koje je jednako *pravu na unutardnevni kapacitet* koji mu je dodijeljen

Uloga „*Nomination Validator*“ – uloga određena u definicijama modela uloga *ENTSO-E*

NOSBiH (Nezavisni operator sistema u Bosni i Hercegovini) – društvo sa sjedištem u Ulici Hifzi Bjelevca 17, 71 000 Sarajevo, Bosna i Hercegovina, i registrovana u poslovnom registru
Bosne i Hercegovine pod identifikacionim brojem kompanije: 08-50.3-7-3/05

Program – *korisnikova nominacija prekogranične transakcije* u kojoj se navodi snaga u MW za svaki sat u danu

Zahtjev – zahtjev koji šalje korisnik kako bi stekao unutardnevni dodijeljeni prijenosni kapacitet

SEE CAO – engl. *Coordinated Auction Office in South East Europe* – Ured za koordinirane dražbe u jugoistočnoj Europi

Dodjeljivač prijenosnog kapaciteta – *NOSBiH* (kad je u funkciji *dodjeljivača prijenosnog kapaciteta*) koji podliježe svim pravima i odgovornostima pripisanim *dodjeljivaču prijenosnog kapaciteta*

TSO (*engl. Transmission System Operator*, operator prijenosnog sistema) - fizička ili pravna osoba koja upravlja, osigurava održavanje te, ukoliko je to potrebno, razvija prijenosni sistem u određenom području, kao i, gdje je to primjenjivo, njegove interkonekcije s drugim sistemima, te osigurava dugoročnu sposobnost sistema da udovolji razumnim zahtjevima za prijenos električne energije

TSO-i (*engl. Transmission System Operators*, operatori prijenosnog sistema) – operatori prijenosnog sistema koji sudjeluju u zajedničkom postupku alokacije, tj. *NOSBiH* i *HOPS*

Korisnik – tržišni subjekt koji ispunjava preduslove za učestvovanje u postupku untardnevne dodjele kapaciteta barem jedne ugovorne strane (*NOSBiH* i *HOPS*) u skladu s članom 3.1 ovih *Pravila za unutardnevnu dodjelu prijenosnih kapaciteta*

Radni dan - kalendarski dan od ponedjeljka do petka, izuzev državnih praznika u Bosni i Hercegovini

Naslovi u ovim *Pravilima za unutardnevnu dodjelu prijenosnih kapaciteta* su stavljeni zbog jednostavnijeg praćenja i ne utiču na sadržaj ili interpretaciju ovih *Pravila za unutardnevnu dodjelu prijenosnih kapaciteta*.

Dio 1

Uvod

Član 1.1. Opća načela

Pravila za unutardnevnu dodjelu prijenosnih kapaciteta utvrđuju odredbe i uslove koje su međusobno dogovorili HOPS i NOSBiH u svojstvu operatora prijenosnih sistema u svojim regulacionim područjima, a u svrhu dodjele i korištenja *unutardnevnog kapaciteta* u oba smjera na granici između Hrvatske i Bosne i Hercegovine.

Dodjela i korištenje *unutardnevnog kapaciteta* nije komercijalna aktivnost, već im je cilj ostvarenje transparentnih metoda upravljanja zagušenjima.

Pravila za unutardnevnu dodjelu prijenosnih kapaciteta uređuju dodjelu i korištenje *unutardnevnog kapaciteta*.

Provođenje unutardnevnog postupka opisano u ovim *Pravilima za unutardnevnu dodjelu prijenosnih kapaciteta* u skladu je sa trenutnim pravilima sigurnosti prijenosnog sistema i ne utiče na opseg i korištenje kapaciteta koji je već dodijeljen na godišnjoj, mjesečnim i dnevnim aukcijama.

Član 1.2. Postupak dodjele

Unutardnevni kapacitet se dodjeljuje u obliku *prava na unutardnevni kapacitet* kojeg su *nosioci prava na kapacitet* obavezni koristiti u njegovom punom iznosu. *Unutardnevni kapacitet* dodjeljuje *dodjeljivač prijenosnog kapaciteta* na osnovu *pravila najranijeg prispjeća ponude* u skladu sa dijelom 6.

U okviru ovih *Pravila za unutardnevnu dodjelu prijenosnih kapaciteta* NOSBiH djeluje kao *dodjeljivač prijenosnog kapaciteta* i za *kapacitet HOPS-a* i za *kapacitet NOSBiH-a*.

NOSBiH ili HOPS mogu, bez prethodnog obavještenja, u bilo kom trenutku, obustaviti ili prekinuti postupke koji se odnose na *Pravila za unutardnevnu dodjelu prijenosnih kapaciteta*, npr. u slučaju tehničkih kvarova.

Sve relevantne informacije u skladu sa članom 2.2 su na raspolaganju na internetskoj stranici NOSBiH-a (<https://www.nosbih.ba>).

Član 1.3. Opća načela Pravila za unutardnevnu dodjelu prekograničnih prijenosnih kapaciteta

Pravila za unutardnevnu dodjelu prijenosnih kapaciteta opisuju, među ostalim aspektima, i zahtjeve koje tržišni subjekti moraju ispuniti kako bi mogli pristupiti *unutardnevnom kapacitetu* i koristiti ga. U članu 10.1 opisuje se ograničenje odgovornosti. U skladu sa članom 10.5., operatori prijenosnih sistema mogu zajednički izmijeniti i dopuniti ova *Pravila za unutardnevnu dodjelu prijenosnih kapaciteta*, u cilju njihovog poboljšanja ili pojašnjenja odredbi i procedura, te nedoumica.

Opći pristup mreži za korištenje dodijeljenih kapaciteta ne ulazi u opseg ovih *Pravila za unutardnevnu dodjelu prijenosnih kapaciteta*, izuzev ako nije drugačije propisano u slijedećim odredbama. *HOPS* i *NOSBiH* pružaju usluge prijenosa u skladu sa pravnim zahtjevima za pristup mreži u svakom regulacionom području, te u skladu sa relevantnim pravilima *HOPS*-a i *NOSBiH*-a.

Dio 2

Opće odredbe

Član 2.1. Raspoloživi unutardnevni prijenosni kapacitet

Raspoloživi unutardnevni prijenosni kapacitet za dan isporuke D (00:00 do 24:00) objavljuje se na Mrežnim stranicama dodjeljivača prijenosnog kapaciteta, na Alokacionoj platformi, najkasnije u 18:00, u D-1, kada počinje dodjela. Osnov za proračun raspoloživog kapaciteta su usaglašene unutardnevne vrijednosti NTC-a i potvrđeni netirani planovi korištenja godišnjih, mjesečnih i dnevnih kapaciteta. Nakon svake uspješne dodjele raspoloživog unutardnevnog prijenosnog kapaciteta vrijednosti se automatski snižavaju.

Član 2.2. Objava relevantnih informacija na internetskoj stranici dodjeljivača kapaciteta

Na internetskim stranicama dodjeljivača kapaciteta u prvom se redu objavljuju slijedeće informacije:

- a) *Pravila za unutardnevnu dodjelu prijenosnih kapaciteta* (izdanje koje je na snazi)
- b) Imena, brojevi telefaksa i telefona, adresa elektronske pošte kontakt osoba NOSBiH-a
- c) Uputstva za korisnike za platformu za dodjelu kapaciteta
- d) Ostale relevantne informacije.

Član 2.3. Osnova dodjele raspoloživog unutardnevnog prijenosnog kapaciteta

Vrijednosti *raspoloživog unutardnevnog prijenosnog kapaciteta* nude se u jedinicama of 1 MW, pri čemu je najmanja vrijednost 1 MW. Vrijednosti *raspoloživog unutardnevnog prijenosnog kapaciteta* nude se za svaki sat.

Član 2.4. Postojanost dodijeljenog unutardnevnog kapaciteta

Raspoloživi unutardnevni prijenosni kapacitet se postojano nudi, izuzev u slučaju ograničenja zbog *hitnog slučaja*, nakon što se uzmu u obzir sve raspoložive mjere u skladu sa relevantnim nacionalnim te zakonodavstvom EU.

U slučaju *ograničenja*, *HOPS* i *NOSBiH* će umanjiti *dodijeljeni unutardnevni kapacitet* u skladu sa dijelom 9. *korisnik* nema pravo ni na kakvu finansijsku kompenzaciju vezanu za *dodijeljeni unutardnevni kapacitet*.

Član 2.5. Sekundarno tržište

Prijenos prava korištenja ili ponovna prodaja *dodijeljenog unutardnevnog kapaciteta* nije moguća.

Član 2.6. Plaćanja

Nosilac prava na kapacitet ne plaća nikakvu cijenu za rezervaciju ili korištenje dodijeljenog unutar dnevnog kapaciteta.

Dio 3 **Uslovi učestvovanja**

Član 3.1. Uslovi za registraciju

S ciljem učestvovanja u postupku unutar dnevnog dodjele i korištenja dodijeljenih unutar dnevnih kapaciteta tržišni subjekt mora udovoljiti svim uslovima navedenim u *Pravilima za unutar dnevnu dodjelu prijenosnih kapaciteta* i ispuniti sljedeće preduoslove:

- **Na strani HOPS-a** – mora imati sklopljen Ugovor o odgovornosti za odstupanje ili potpisan Ugovor o učestvovanju na tržištu električne energije sklopljen s Hrvatskim operatorom tržišta energije (HROTE) - hrvatskim tržišnim subjektom
- **Na strani NOSBiH-a** – mora imati Licencu za djelatnost međunarodne trgovine električnom energijom koju je izdala Državna regulatorna komisija za električnu energiju u BiH i registrovati se kao učesnik na tržištu električne energije kod NOSBiH-a.

Tržišni subjekt mora dostaviti NOSBiH-u, koji djeluje u svojstvu *dodjeljivača prijenosnog kapaciteta* za oba *operatora prijenosnog sistema*, tri potpisana primjerka Zahtjeva za učestvovanje (Dodatak 1) koji uključuje izjavu o prihvatanju *Pravila za unutar dnevnu dodjelu prijenosnih kapaciteta*. Tržišni subjekt je obavezan dostaviti izvod iz privrednog registra kompanije, kao i potvrdu o registraciji poreznog obveznika.

Tri potpisana primjerka Zahtjeva za učestvovanje dostavljaju se *dodjeljivaču prijenosnog kapaciteta* u pisanom obliku poštom, kurirskom/dostavljačkom službom ili lično. Zahtjev za učestvovanje dostavlja se na adresu *dodjeljivača prijenosnog kapaciteta* ili lično na protokol (vidi Dodatak 2). Zahtjevi za učestvovanje dostavljeni telefaksom ili elektronskom poštom smatraju se ništavnima te će biti odbačeni dostavom obavještenja o odbacivanju. Kako bi se isključile nedoumice, odbijeni Zahtjev za učestvovanje smatraće se ništavnim od samog podnošenja.

Dodjeljivač prijenosnog kapaciteta ima pravo provjeravati informacije u dostavljenim zahtjevima za učestvovanje i njihovim priložima. U slučaju nepodudaranja ili pogrešnog predstavljanja u Zahtjevu za učestvovanje *dodjeljivač prijenosnog kapaciteta* ima pravo da odbije registraciju *tržišnog subjekta*.

Dodjeljivač prijenosnog kapaciteta potvrđuje registraciju ili odbacivanje zahtjeva slanjem obavještenja tržišnom subjektu najkasnije tri (3) *radna dana* po prijemu Zahtjeva za učestvovanje.

Obavještenje o potvrđivanju ili odbijanju registracije šalje se elektronskom poštom na adresu navedenu u Zahtjevu za učestvovanje. Ukoliko *dodjeljivač prijenosnog kapaciteta* odbije registrovati tržišnog subjekta, razlozi za to navode se u obavještenju o odbacivanju zahtjeva.

Sve zatražene dokumente tržišni subjekt mora dostaviti najmanje pet (5) *radnih dana* prije namjeravanog učešća u postupku unutarodnevnog dodjele kapaciteta. Ukoliko ovaj rok ne bude ispoštovan, nadležni *operator prijenosnog sistema* ne može garantovati učestvovanje tržišnog subjekta.

Registrovani tržišni subjekt koji ispunjava sve uslove navedene u ovom članu smatra se *korisnikom*.

Član 3.2. Obavješćavanje o promjenama

Pri učešću u postupcima unutarodnevnog dodjele kapaciteta moraju u svakom trenutku moraju biti ispunjeni uslovi za učestvovanje određeni *Pravilima za unutarodnevnu dodjelu prijenosnih kapaciteta*. Zbog toga, o bilo kakvim promjenama koje utiču na ispunjenje predmetnih uslova *korisnik* mora, bez odgode, obavijestiti oba *operatora prijenosnih sistema*.

O promjenama svojih kontaktnih podataka i izjavama navedenim u obrascima koje dostavlja, korisnik je obavezan pismenim putem obavijestiti operatore prijenosnih sistema u roku od osam (8) dana.

Dio 4

Isključivanje korisnika

Ako *korisnik*:

- a) povrijedi *Pravila za unutarodnevnu dodjelu prijenosnih kapaciteta*, posebno odredbe iz dijela 7 (ali ne samo njih)
- b) se ponaša na način koji štetno utiče ili ugrožava tržišno nadmetanje u postupcima za unutarodnevnu dodjelu kapacitet
- c) objavi stečaj, postane nelikvidan ili mu je određena obustava plaćanja
- d) postane subjekt zahtjeva za izricanje stečaja, nelikvidnosti ili obustave plaćanja;

NOSBiH, odnosno, *HOPS* će, po odobrenju drugog *operatora prijenosnog sistema*, tog *korisnika* bez odlaganja isključiti iz postupaka dodjele kapaciteta. *Korisnik* će o isključenju, odmah biti obavješten putem telefaksa i elektronske pošte.

Dio 5

Alokaciona platforma

Član 5.1. Opći uslovi

Dodjeljivač prijenosnog kapaciteta organizuje i provodi zajedničke *dodjele raspoloživih unutarodnevni prijenosnih kapaciteta* elektronskim putem u korisničkom okruženju *platforme za dodjelu kapaciteta*.

Dodjeljivač prijenosnog kapaciteta korisnicima dostavlja dokumentaciju o *alokacionoj platformi* (na internetskoj stranici <https://www.nosbih.ba>) te osigurava operativna uputstva vezana za korištenje *platforme za dodjelu kapaciteta* i *korisničku* podršku.

Dodjeljivač prijenosnog kapaciteta zadržava pravo izmjene dnevnog operativnog režima, odnosno, kada je to osnovano, pravo obustave procesa, naročito kada dođe do sljedećih tehničkih problema: opće nerapoloživosti interneta, nerapoloživosti internetskih veza alokacione platforme, ili nerapoloživosti alokacione platforme (servera, baze podataka ili greška programske podrške za *alokacionu platformu*).

Svi *korisnici* alokacione platforme će bez odgađanja biti obaviješteni o stvarnoj operativnoj situaciji.

Prijem podataka pravovaljan je samo ako su podaci na alokacionoj platformi za *dodjelu kapaciteta* primljeni prije isteka roka.

U cilju učestvovanja u postupku *dodjele kapaciteta*, *zahtjevi* se podnose putem *alokacione platforme*. *Zahtjev* u kojem ne bude ispunjen bilo koji uslov naveden u *Pravilima za unutarnevnu dodjelu prijenosnih kapaciteta* biće odbijen. *Korisnik* će dobiti poruku o statusu *zahtjeva* u *platformi za dodjelu kapaciteta*. *Dodijeljeni unutarnevni kapacitet* se ne može modificirati ni otkazati.

Član 5.2. Pristup alokacionoj platformi

Alokaciona platforma je dostupna svim *korisnicima* koji imaju web pretraživač i korisnički nalog dobijen od *dodjeljivača prijenosnog kapaciteta*. Nije potrebna dodatna instalacija ili modifikacija softvera.

Za pristup Alokacionoj platformi koristi se certifikat SSL/TLS (*Secure Sockets Layer/Transport Layer Security*).

Nakon što se *korisnik* registruje, na *Alokacionoj platformi* otvara se njegov korisnički nalog. Kompletno popunjen i potpisan *Zahtjev* za registraciju *korisnik* je dužan dostaviti na alokacionu platformu (videti Dodatak 4). Potpisivanjem ovog *zahtjeva* *korisnik* prihvata obaveze i pravila ponašanja utvrđena *Pravilima za unutarnevnu dodjelu prekograničnih prijenosnih kapaciteta*. *Zahtjev* mora sadržati potpune i tačne informacije. *Dodjeljitelj prijenosnog kapaciteta* formiraće korisnički nalog i lozinku u roku od tri (3) radna dana nakon dobijanja *Zahtjeva* za registraciju na alokacionoj platformi.

Dio 6

Postupak unutarnevne dodjele kapaciteta

Član 6.1. Određivanje i objava raspoloživog unutarnevnog kapaciteta

NOSBiH određuje raspoloživi *unutarnevni kapacitet*, u svakom smjeru i za svaki sat, koji se može koristiti za unutarnevnu dodjelu kapaciteta prema metodologiji opisanoj u članu 2.1.

Vrijednosti *dodijeljenog unutarnevnog kapaciteta* za dan D raspoložive su na alokacionoj platformi najkasnije u 18:00 sati (CET) na dan D-1.

U slučaju dodatnih ograničenja u prijenosnom sistemu (koja se nisu mogla predvidjeti u trenutku izračuna mrežnog prijenosnog kapaciteta), vrijednosti *raspoloživog unutardnevnog prijenosnog kapaciteta* se mogu izmijeniti. NOSBiH tokom dana ima pravo modifikovati *raspoloživi unutardnevni prijenosni kapacitet* na alokacionoj platformi.

Raspoloživi unutardnevni prijenosni kapacitet za određeni sat se prilagođava nakon dodjele svakog *dodijeljenog unutardnevnog prijenosnog kapaciteta* za taj sat i kontinuirano se objavljuje na *alokacionoj platformi*.

Član 6.2. Dodjela raspoloživog unutardnevnog prijenosnog kapaciteta

Samo uspješno registrovani *korisnici* koji u potpunosti udovoljavaju zahtjevima definiranim u dijelu 3 mogu podnijeti *zahtjev* za dodjelu *raspoloživog unutardnevnog prijenosnog kapaciteta*. Podnošenje *zahtjeva*, kao i preuzimanje rezultata odvija se isključivo kroz *alokacionu platformu*.

Zahtjev (za dan D) NOSBiH-u se podnosi putem *alokacione platforme*, počevši od 18:00h (CET) na dan D-1, ali najkasnije 60 (šezdeset) minuta prije početka prvog sata na koji se unutardnevna *prekogrančna transakcija* odnosi. Najmanja vrijednost kapaciteta koja se može zatražiti je 1MW, a najveća vrijednost jednaka je vrijednosti *raspoloživog unutardnevnog prijenosnog kapaciteta*. U jednom *zahtjevu* može se zatražiti samo jedna vrijednost kapaciteta za jedan smjer, za jedan ili više sati u danu D.

Član 6.3. Obavješćavanje o rezultatima dodjele

Zahtjev svakog *korisnika* se obrađuje u *alokacionoj platformi* po *pravilu najranijeg prispjeća ponude*, a *korisnik* se, putem *alokaciona platforme*, odmah obavješćava o rezultatima. U slučaju prihvatanja *zahtjeva* korisnik stiče *pravo na kapacitet* s identifikacionom oznakom dodijeljenog prijenosnog kapaciteta. HOPS i NOSBiH odmah ovlaštavaju *korisnika* s identifikacionom oznakom dodijeljenog prijenosnog kapaciteta za korištenje *prava na unutardnevni kapacitet* (unošenjem prava na unutardnevni kapacitet u sisteme planova prekogranične razmjene električne energije) i omogućuju prijavu planova u skladu sa lokalnim pravilima.

Korisnik je dužan izvršiti *nominaciju* po osnovi *prava na unutardnevni kapacitet* najkasnije 60 minuta nakon dobijanja identifikacione oznake dodijeljenog prijenosnog kapaciteta. U suprotnom *korisnik* gubi *pravo na unutardnevni kapacitet*.

Opće informacije i rezultati o dodijeljenom unutardnevnom kapacitetu za dan D će biti objavljeni na internet stranicama NOSBiH-a (www.nosbih.ba) najkasnije do 18:00h (CET) u danu D+1. Rezultati trebaju biti dostavljeni i na platformu za transparentnost.

Dio 7

Korištenje dodijeljenog unutardnevnog prijenosnog kapaciteta

Nosilac prava na kapacitet i njegov prekogranični partner (u daljem tekstu partner) se obavezuju da iskoriste cjelokupnu vrijednost iznosa *prava na unutardnevni kapacitet*. U tom slučaju nominovani iznos kapaciteta jednak je *pravu na unutardnevni kapacitet* dobijenom u postupku unutardnevne dodjele kapaciteta za svaki sat i smjer i u potpunosti je usklađen sa nominacijom partnera. Ovu obavezu nadgleda *dodjeljivač prijenosnog kapaciteta*.

Ukoliko *nosilac prava na kapacitet* prekrši ovu obavezu tri (3) puta tokom jedne (1) kalendarske godine, *operatori prijenosnih sistema (NOSBiH i/ili HOPS)* imaju pravo da ga isključe iz postupka unutardnevne dodjele kapaciteta na period od dvanaest (12) mjeseci. *Dodjeljivač prijenosnog kapaciteta*, na osnovu zahtjeva za isključenje kojeg podnose *operatori prijenosnih sistema* šalje obavještenje o isključenju *nosiocu prava na kapacitet*. Smatra se da je ova obaveza prekršena ako *nosilac prava na kapacitet* (ili njegov partner) ne koriste (ili djelimično koriste) kapacitet najmanje jedan (1) sat u razdoblju za koje su dobili kapacitet. Svaki sat nekorištenja *prava na unutardnevni kapacitet* smatra se novim kršenjem obaveze. Isključene stupa na snagu s datumom navedenim u obavještenju, ali najranije sljedećeg dana nakon što *dodjeljivač prijenosnog kapaciteta* zaprimi zahtjev za isključenje od *operatora prijenosnih sistema*.

Korištenje rezerviranih prijenosnih kapaciteta provodi se dostavljanjem fiksnih planova prekogranične razmjene *HOPS-u* i *NOSBiH-u* u skladu sa pravnim uslovima za pristup mreži u svakom regulacionom području i tržišnim pravilima *HOPS-a* i *NOSBiH-a* koja se primjenjuju.

Korisnik je dužan iskoristiti dodijeljeni unutardnevni prijenosni kapacitet najkasnije 60 minuta nakon sticanja prava na korištenje.

Član 7.1. Nominacija dodijeljenih unutardnevnih prijenosnih kapaciteta

Nakon svakog postupka dodjele, *nosilac prava na kapacitet* i njegov partner *nominuju* unutardnevne *programe* kroz postojeće sisteme planova prekogranične razmjene električne energije oba *operatora prijenosnog sistema* u skladu sa lokalnim pravilima.

Nominacija unutar dnevnih programa se mora napraviti kod oba *operatora sistema* unutar istog procesa unutardnevnog usklađivanja, a najkasnije 45 (četrdesetpet) minuta prije početka prvog sata na koji se odnosi unutardnevna *prekogranična transakcija*.

Ista pravila i formati podataka koriste se u postupku prijavljivanja planova razmjene, kao i kod prijave dnevnih planova razmjene i planova razmjene zasnovanih na dugoročnim pravima.

Otkazivanje prethodno nominovanih i potvrđenih programa nije moguće.

Član 7.2. Pravila za unutardnevno usklađivanje

Postupak unutardnevnog usklađivanja odvija se nakon svakog postupka dodjele i *nominacije* unutardnevnog kapaciteta.

Usklađivanje između *operatora prijenosnih sistema* odvija se u vremenu između 45 i 30 minuta prije početka prvog sata nominovanih unutardnevnih *programa*, a *nominacija* se potvrđuje prema rokovima definiranim u Dodatku 3.

Usklađivanje se radi za cijeli dan D (od 18:00 do 23:15 D-1) i kasnije za preostale sate u danu D prema Dodatku 3.

U slučaju neslaganja unutardnevnih *programa* nominovanih sa obje strane granice, *HOPS* i *NOSBiH* imaju pravo promijeniti vrijednosti nominovanih unutardnevnih programa. Ni u kojem slučaju, ni *HOPS*, ni *NOSBiH*, nisu odgovorni za gubitak profita, gubitak u poslovanju niti neku drugu posrednu, slučajnu, posebnu ili posljedičnu štetu bilo kakve vrste.

HOPS i *NOSBiH* upoređuju i usklađuju dostavljene pojedinačne fiksne planove razmjene na zajedničkoj granici. *Korisnicima* nisu dozvoljene izmjene nominovanih unutardnevnih *programa*. Ukoliko postoji razlika u prijavljenim planovima razmjene u *isključno vrijeme*, primjenjuje se pravilo spuštanja na nižu vrijednost.

Dio 8

Otkazivanje unutardnevne dodjele

NOSBiH ili *HOPS* mogu otkazati postupak unutardnevne dodjele kapaciteta bez odgađanja, u *hitnim slučajevima*, nakon što su preduzeli sve druge raspoložive mjere u skladu sa nadležnim nacionalnim zakonodavstvom i zakonodavstvom EU. Takođe je moguće smanjiti vrijednosti *raspoloživog unutardnevnog prijenosnog kapaciteta*. U tim se slučajevima vrijednosti *raspoloživog unutardnevnog prijenosnog kapaciteta* za odgovarajuće sate odmah postavljaju na 0 ili drugu dogovorenu vrijednost. *Raspoloživi unutardnevni prijenosni kapacitet* ostaje izmijenjen sve dok se oba *operatora prijenosnih sistema* ne dogovore da povuku otkaz postupka *dodjele unutardnevnog prijenosnog kapaciteta* ili smanjenja *raspoloživog unutardnevnog prijenosnog kapaciteta*.

Postupak unutardnevne dodjele se takođe može otkazati zbog ozbiljnih poremećaja u radu interneta, *alokacione platforme* i drugih IT sistema ili uređaja koje *NOSBiH* ili *HOPS* upotrebljavaju u postupku unutardnevne dodjele.

U slučaju vanrednih okolnosti *NOSBiH* će o tome obavijestiti sve *korisnike* objavom na svojim *internet stranicama*, ukoliko to bude moguće.

Dio 9

Ograničenje dodijeljenih kapaciteta

U slučaju *ograničenja dodijeljenog kapaciteta* on se ograničava prema sljedećem redoslijedu:

1. kapacitet dodijeljen na unutardnevnoj dodjeli
2. kapacitet dodijeljen na dnevnoj dražbi
3. kapacitet rezerviran ili dodijeljen na mjesečnoj dražbi
4. kapacitet rezerviran ili dodijeljen na godišnjoj dražbi.

U okviru svake gore navedene grupe *kapacitet* se srazmjerno ograničava svim učesnicima, pri čemu će se ograničeni *kapacitet* zaokružiti na prvu višu vrijednost MW.

Nosiocu prava na kapacitet neće biti plaćena nikakva finansijska nadoknada za ograničeni kapacitet koji je dobio u postupku dodjele unutardnevnog kapaciteta.

Dio 10

Razno

Član 10.1. Ograničenje odgovornosti

Operatori prijenosnih sistema, neće biti solidarno odgovorni *nosiocu prava na kapacitet* za štetu uzrokovanu učestvovanjem, odnosno nemogućnošću učestvovanja *nosioca prava na kapacitet*

u postupku unutardnevne dodjele kapaciteta. *Nosilac prava na kapacitet* neće smatrati solidarno odgovornim *operatore prijenosnih sistema* te će im nadoknaditi štetu vezanu za potraživanja naknade štete treće strane. Ni u kojem slučaju ni *NOSBiH*, ni *HOPS* neće biti odgovorni za gubitak profita, gubitak u poslovanju niti neku drugu posrednu, slučajnu, posebnu ili posljedičnu štetu bilo kakve vrste.

HOPS i *NOSBiH* se obavezuju da će svoje dužnosti i obaveze izvršavati *prema Pravilima za unutardnevnu dodjelu prijenosnog kapaciteta* s pažnjom dobrog privrednika, voditelja regulacionog područja, te u skladu sa mjerodavnim propisima iz zakonodavstva EU, hrvatskim i BiH zakonima i propisima.

Član 10.2. Viša sila

NOSBiH ni *HOPS* nisu odgovorni za neispunjenje, neuredno ispunjenje ili kašnjenje u ispunjenju obaveza koje proizlaze iz ovih *Pravila za unutardnevnu dodjelu prijenosnog kapaciteta*, ukoliko, i u opsegu u kojem je to neispunjenje, neuredno ispunjenje ili kašnjenje u ispunjenju obaveza rezultat okolnosti nad kojima obavezna strana nije imala uticaj, uključujući, ali ne ograničavajući se samo, na *višu silu* i druge okolnosti za koje relevantna strana nije odgovorna i koje se ne mogu riješiti mjerama koje je, s tehničkog, finansijskog ili ekonomskog stajališta, mogao preduzeti *NOSBiH* ili *HOPS*.

Član 10.3. Cjelovitost ugovora

Bez obzira na posebne odredbe iz ovih *Pravila za unutardnevnu dodjelu prijenosnih kapaciteta*, nikakva izmjena ugovora između *NOSBiH-a* ili *HOPS-a* s jedne strane i *korisnika* s druge strane neće stupiti na snagu, ako je u pisanom obliku nije potvrdio i dostavio telefaksom ili elektronskom poštom *NOSBiH* ili *HOPS*. Ako bilo koji dio ili odredba *Pravila za unutardnevnu dodjelu prijenosnih kapaciteta* ili njihovih dodataka postane nevažeća, nezakonita, ništavna ili neprimjenjiva, ostali dijelovi će ostati na snazi i primjenjivaće se, tako da te izmjene neće na njih uticati. Bilo kakav nevažeći, nezakonit, ništavan ili neprimjenjiv dio ili odredba, zamijenit će se važećim, zakonitim ili primjenjivim dijelom ili odredbom tako da se, u mjeri u kojoj je to moguće, postigne namjeravani ekonomski i zakonski učinak.

Član 10.4. Povjerljivost

Radom i djelovanjem u skladu sa *Pravilima za unutardnevnu dodjelu prijenosnog kapaciteta*, *NOSBiH* ili *HOPS* te njihova povezana društva, ako ih imaju, mogu dobiti ili imati pristup povjerljivim informacijama o *korisnicima*. Povjerljive informacije uključuju sve informacije koje su dostavljene u pisanom obliku i označene kao "povjerljive" ili otkrivanje informacije u drugom obliku koji nije pisani, na način da se osobi kojoj se informacija otkriva treba reći prije ili istovremeno sa takvim otkrivanjem da povjerljiva informacija može biti otkrivena ili je već otkrivena.

NOSBiH i *HOPS* saglasni su da će povjerljive informacije čuvati i neće ih otkriti bez prethodnog pristanka *korisnika* niti će ih, bilo u kojem obliku, učiniti dostupnima nekoj trećoj strani, te da takve informacije neće koristiti ni u koju drugu svrhu, osim za razmatranje odredaba ovih *Pravila za unutardnevnu dodjelu prijenosnih kapaciteta*, izuzev ukoliko se radi o javnim vlastima.

Odredbe ovog člana ne primjenjuju se na informacije otkrivene *NOSBiH-u* ili *HOPS-u*, kako je navedeno u članu, ako:

- a. je, prije takvog otkrivanja, to već bilo poznato javnosti ili ako je nakon tog otkrivanja to postalo poznato javnosti, ali ne krivnjom *NOSBiH-a ni HOPS-a*
- b. su *NOSBiH ili HOPS* to znali prije objave
- c. su istu informaciju, nakon otkrivanja, *NOSBiH ili HOPS* primili od treće strane koja prema odgovarajućem *korisniku* nije imala obavezu čuvanja tajnosti takve informacije.

Član 10.5. Izmjene i dopune

O svim izmjenama i dopunama ovih *Pravila za unutardnevnu dodjelu prijenosnog kapaciteta* korisnik će biti upoznat putem obavještenja objavljenog u novoj verziji ovih *Pravila za unutardnevnu dodjelu prijenosnog kapaciteta* na internetskim stranicama *NOSBiH-a ili HOPS-a*. Takvo obavještenje će upućivati na izmijenjene ili dopunjene članove i datume po stupanju na snagu novih odredbi *Pravila za unutardnevnu dodjelu prijenosnog kapaciteta*. Osim ako to nije navedeno u novoj verziji *Pravila za unutardnevnu dodjelu prijenosnog kapaciteta*, nije potrebna nova registracija, a korisnici prihvataju nova *Pravila za unutardnevnu dodjelu prijenosnog kapaciteta* nastavljajući sa svojim učestvovanjem u postupku unutardnevne dodjele.

Član 10.6. Period važenja

Ova *Pravila za unutardnevnu dodjelu prijenosnog kapaciteta* stupaju na snagu nakon odobrenja nadležnih regulatornih tijela i primjenjuju se za unutardnevne dodjele kapaciteta u 2022. godini u oba smjera na granici Hrvatske i Bosne i Hercegovine.

Pravila za unutardnevnu dodjelu prijenosnog kapaciteta važiće neodređeno vrijeme, a podložna su izmjenama i dopunama u skladu sa članom 10.5. ovih pravila, ili u slučaju bilo kakvih novih zakona i pravila koji se odnose na ili imaju učinak na dodjelu prijenosnog kapaciteta ili upravljanje zagušenjima.

Član 10.7. Mjerodavno pravo i sporovi

Za sve sporove između *NOSBiH-a* i *korisnika* koji proizlaze iz ovih *Pravila za unutardnevnu dodjelu prijenosnog kapaciteta* isključivo je mjerodavno pravo Bosne i Hercegovine.

U slučaju spora koji može proizići iz ovih *Pravila za unutardnevnu dodjelu prijenosnih kapaciteta*, *dodjeljivač prijenosnog kapaciteta* i *korisnik*, trebaju nastojati da postignu obostrano prihvatljivo rješenje.

Strana koja se poziva na spor dužna je drugoj strani dostaviti obrazloženo obavještenje o razlozima za spor, navesti član *Pravila za unutardnevnu dodjelu prijenosnih kapaciteta* koji je prekršen te poziv drugoj strani za sporazumno rješenje spora.

Ako *dodjeljivač prijenosnog kapaciteta* i *korisnik* ne uspiju naći rješenje u roku 30 (trideset) dana od dana prijema obavještenja kojim se navodi postojanje razloga za spor, on će se rješavati pred stvarno nadležnim sudom u Sarajevu.

Član 10.8. Obavještenja

Osim tamo gdje to ova *Pravila za unutardnevnu dodjelu prijenosnog kapaciteta* drugačije nalažu, svako obavještenje u okviru ovih *Pravila za unutardnevnu dodjelu prijenosnog kapaciteta* mora biti u pisanom obliku i naslovljeno na adrese navedene u Dodatku 2.

Član 10.9. Popis dodataka

- Dodatak 1 Zahtjev za učestvovanje u dodjeli kapaciteta
- Dodatak 2 Popis kontakata
- Dodatak 3 Postupak unutardnevne dodjele i rokovi
- Dodatak 4 Registracija na alokacionu platformu

Dodatci 1-4 čine sastavni dio ovih pravila.

Dodatak 1 - Zahtjev za učestvovanje u dodjeli kapaciteta

Zahtjev za učestvovanje u postupku unutarodnevnog dodjele kapaciteta na granici između Hrvatske i Bosne i Hercegovine

Ime kompanije/preduzetnika	
EIC-oznaka	
Adresa, država	
Broj iz privrednog registra	
Ovlašteni predstavnik	
Broj obaveznika PDV-a	
ID broj / PIB	
E-mail adresa	
Telefon br.	
Faks br.	

Ovime objavljujemo našu namjeru da učestvujemo u postupku unutarodnevnog dodjele kapaciteta na granici između Bosne i Hercegovine i Hrvatske. Ispunjavamo sve uslove za učestvovanje iz „Pravila za unutarodnevnu dodjelu prekograničnih prijenosnih kapaciteta“ na granici regulacionih područja Nezavisni operator sistema u Bosni i Hercegovini („NOSBiH“) i Hrvatskog operatora prijenosnog sistema d.o.o. („HOPS“) (u daljnjem tekstu *Pravila za unutarodnevnu dodjelu prijenosnog kapaciteta*). Pročitali smo ih i prihvatamo da ćemo u potpunosti poštovati sva pravila, propise i IT zahtjeve ovih *Pravila za unutarodnevnu dodjelu prijenosnog kapaciteta* koja su objavljena na internetskim stranicama operatora prijenosnih sistema.

Potvrđujemo da se dopuštenje za naše učestvovanje u postupcima unutarodnevnog dodjele može povući u slučaju kršenja odredbi *Pravila za unutarodnevnu dodjelu prijenosnog kapaciteta*.

Za tržišnog subjekta

Datum: _____

Potpis

Nezavisni operator sistema u Bosni i Hercegovini kao *dodjeljivač prijenosnog kapaciteta* odobrava gore navedeni zahtjev za učestvovanje i registruje ovaj zahtjev pod registarskim brojem: _____

Nezavisni operator sistema u Bosni i Hercegovini

Datum: _____

Potpis

Dodatak 1 - Privitak 1

Popis ovlaštenih predstavnika *korisnika*

Korisnik ovlašćuje sljedeće osobe da djeluju u ime *korisnika*:

- za potpis Zahtjeva za učestvovanje

Ime	Broj telefona	Broj mobilnog telefona	Broj telefaksa	Adresa elektronske pošte

- za podnošenje zahtjeva *odjeljivaču prijenosnog kapaciteta* za *dodjelu raspoloživog unutar dnevnog prijenosnog kapaciteta*

Ime	Broj telefona	Broj mobilnog telefona	Broj telefaksa	Adresa elektronske pošte

Važeća adresa za slanje zahtjeva za učestvovanje u dodjeli kapaciteta: (popunjava se u slučaju promjene adrese)	
--	--

U slučaju bilo koje promjene podataka iz gornje tablice, korisnik se obavezuje da će obavijestiti *odjeljivača prijenosnog kapaciteta*.

Dodatak 2 – Popis kontakata

Tržišni subjekti moraju dostaviti **Zahtjeve za učestvovanje na aukcijama** (vidi Dodatak 1) *dodjeljivaču prijenosnih kapaciteta* na sljedeću adresu:

Nezavisni operator sistema u Bosni i Hercegovini
Hifzi Bjelevca 17
71000 Sarajevo
Bosna i Hercegovina

Za ličnu dostavu na gore navedenu adresu protokol je otvoren od 09:00 do 15:00 sati (CET) svakog *radnog dana*.

Svaka potvrda koju izda protokol *dodjeljivača prijenosnih kapaciteta* potvrđuje samo datum i vrijeme prijema dokumenta – ali ne i ispravnost ili tačnost dokumenta.

Za ostalu komunikaciju sa *dodjeljivačem prijenosnih kapaciteta korisnici* mogu koristiti sljedeće brojeve telefaksa i kontakte:

Pravila dodjele

Ime	Broj telefona	Adresa elektronske pošte	Broj telefaksa
Adnan Muharemović	+ 387 33 720 434	a.muharemovic@nosbih.ba	+387 33 720 495

Registracija korisnika

Ime	Broj telefona	Adresa elektronske pošte	Broj telefaksa
Dženeta Erović	+ 387 33 720 434	dz.erovic@nosbih.ba	+ 387 33 720 405

Pitanja o postupku dodjele unutardnevnog kapaciteta (00:00-24:00)

	Broj telefona	Adresa elektronske pošte	Broj telefaksa
Služba za upravljanje sistemom u realnom vremenu	+387 33 720 496	dispecer@nosbih.ba	+387 33 720 495

Dodatak 3 – Postupak unutardnevne dodjele i rokovi

Vremenski raspored za postupak prije unutardnevne dodjele (dodjela u danu D-1 za dan D) opisan je u tablici ispod:

Dan	Rok za dostavljanje zahtjeva za dodjelu	Rok za nominaciju	Rok za primjenu pravila u slučaju neusaglašenosti	Usklađivanje između operatora
D	D-1, 19:00	D-1, 19:15	D-1, 19:30	00:00-24:00
D	D-1, 20:00	D-1, 20:15	D-1, 20:30	00:00-24:00
D	D-1, 21:00	D-1, 21:15	D-1, 21:30	00:00-24:00
D	D-1, 22:00	D-1, 22:15	D-1, 22:30	00:00-24:00

Vremenski raspored za svaki sat unutardnevne dodjele u danu D opisan je u tablici ispod:

Sat	Rok za dostavljanje zahtjeva za dodjelu	Rok za nominaciju	Rok za primjenu pravila u slučaju neusaglašenosti	Usklađivanje između operatora
H1	D-1, 23:00	D-1, 23:15	D-1, 23:30	00:00-24:00
H2	00:00	00:15	00:30	01:00-24:00
H3	01:00	01:15	01:30	02:00-24:00
H4	02:00	02:15	02:30	03:00-24:00
H5	03:00	03:15	03:30	04:00-24:00
H6	04:00	04:15	04:30	05:00-24:00
H7	05:00	05:15	05:30	06:00-24:00
H8	06:00	06:15	06:30	07:00-24:00
H9	07:00	07:15	07:30	08:00-24:00
H10	08:00	08:15	08:30	09:00-24:00
H11	09:00	09:15	09:30	10:00-24:00
H12	10:00	10:15	10:30	11:00-24:00
H13	11:00	11:15	11:30	12:00-24:00
H14	12:00	12:15	12:30	13:00-24:00
H15	13:00	13:15	13:30	14:00-24:00
H16	14:00	14:15	14:30	15:00-24:00
H17	15:00	15:15	15:30	16:00-24:00
H18	16:00	16:15	16:30	17:00-24:00
H19	17:00	17:15	17:30	18:00-24:00
H20	18:00	18:15	18:30	19:00-24:00
H21	19:00	19:15	19:30	20:00-24:00
H22	20:00	20:15	20:30	21:00-24:00
H23	21:00	21:15	21:30	22:00-24:00
H24	22:00	22:15	22:30	23:00-24:00

Na navedeno vrijeme početka i završetka ne utiču promjene koje nastupaju zbog prelaza na ljetno računanje vremena.

Dodatak 4 – Registracija na alokacionu platformu

Učesnik na tržištu

Puni naziv:	
EIC kod:	
Ovlaštena osoba:	

Učesnik na tržištu zahtijeva:

- postavku (*setup*)
- modifikaciju
- brisanje

korisničkog naloga na alokacionoj platformi za sljedećeg korisnika:

Korisnik

Ime i prezime:		
Elektronska adresa:		
Telefon:		
Elektronska adresa za ECAN razmjenu fajlova s alokacionom platformom:	Šalje	Prima

Na osnovu pravila za dodjelu kapaciteta, čiji je sadržaj poznat gore navedenom korisniku, korisnik je ovlašten da vrši operacije na alokacionoj platformi u skladu sa pravima korisnika i u tom slučaju zastupa gore navedenog učesnika na tržištu.

Informacije za prijavljivanje (korisničko ime i lozinka) biće poslate korisniku na gore navedenu elektronsku adresu (e-mail), a on je prilikom prvog prijavljivanja obavezan lozinku promijeniti.

Datum _____

Ovlaštena osoba učesnika na tržištu

Korisnik